



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

CLI. Quod Festum S. Dominici celebretur de Præcepto in toto Regno
Neapolitano tanquam de Patrono cum Octava.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

CL.

Confirmat Decretum Sac. Congregationis pro
Erektionem Conventus Congregationis Pauperum
Matris Dei Scholarum Piarum in Oppido Piscinæ
Mariscanen. Diœcesis.

Edita A. D.
1664.

ALEXANDER PAPA VII.

Ad futuram rei memoriam.

Exordium.

Alias pro parte dilectorum filiorum Congrega-
tionis S. Clericorum pauperum Matris Dei
Scholarum Piarum Congregationi Venerabilium
Fratrum nostrorum S. R. E. Cardinalium negotiis,
& consultationibus Episcoporum, & Regularium
præpositæ expofito; quod ipsi jam inde ab anno
1642. fundationem Conventus in Oppido Piscinæ
Mariscanen. Diœcesis in executionem legati domus,
& summæ decem millium ducatorum sibi à quondam
Lælio Thomasetti facti de licentia Ordinarii, ac
consensu Regularium, necnon Universitatis, &
hominum d. Oppidi inchoaverant, prout ex scri-
pturis, alias in eadem Congregatione Cardina-
lium exhibitis constare aserebant; nec fundatio-
nem hujusmodi subindè perficere potuerant propter
multa impedimenta, quæ supervenerant, ac
deducta, & discussa fuerant in prædicta Congre-
gatione Cardinalium, quæ tunc ipsis exponentibus
legatum hujusmodi, quod à dilectis filiis Mo-
nachis Sylvestrinis occupatum fuerat, consignari
curaverat; Ideoque iidem exponentes mediante
dicto Legato fundationem prædictam prosequi, &
absolvere intendebant.

§. 1. Et licet non putarent sese sub Constitutio-
ne fel. rec. Innocentii Papæ Decimi Prædecessoris
nostri super extinctione, & suppressione parvorum
Conventuum anno 1652. edita comprehensos esse,
cum novam fundationem Conventus non facerent,
sed inchoatam anno 1642. de licentia Ordinarii
prosequi, & perficere intenderent, nihilominus
ad tollendam omnem difficultatem, & dubietatem
opportunitatem sibi desuper licentiam à memorata
Cardinalium Congregatione concedi plurimum
desiderabant, attento, quòd ad eorum favorem
licentia Ordinarii, & consensus necessarii sicut su-
prædictum est concurrerent, quodque legatum
Domus, & decem millium ducatorum hujusmodi
pro fabrica Ecclesiæ, & Conventus, eorumque
subsistentia abundè sufficeret, idque eo magis,
quod ipsi Exponentes juxtà eorum institutum elec-
mosynas querere solerent, unde etiam ultra nu-
merum duodenarium sustentari possent, prout in
hac Alma Urbe, aliisque locis experientia comper-
tum erat, quodque in prædicto Oppido Piscinæ
Victualia, ac operæ, & res ad fabricandam necessaria
fatis vili pretio haberi possent: emanavit à prædi-
cta Congregatione Cardinalium Decretum tenoris,
qui sequitur, videlicet.

§. 2. Sacra Congreg. Eminentissimorum Sanctæ
Romanæ Ecclesiæ Cardinalium negotiis, & consul-
tationibus Episcoporum, & Regularium præposi-
ta, attentis narratis, & ex eo, quod de requisitis
ad fundationem Conventus hujusmodi consti-
tuit facultatem impartitur Episcopo Marforum,
ut ad ipsam fundationem procedi ad formam
Constitutionum Apostolicarum concedat, ac de-
cernat, contrariis quibuscumque non obstantibus.
Romæ 15. Febr. 1664. M. Card. Ginettus.

Confirmat
prout in rub.

§. 3. Cum autem sicut exponentes prædicti No-
bis nuper exponi fecerunt, ipsi Decretum hujus-
modi pro firmiori ejus subsistentia Apostolicæ con-
firmationis nostræ patrocínio communiti summo-
perè cupiant: Nos specialem ipsis exponentibus
gratiam facere volentes, & eorum singulares per-
sonas à quibusvis excommunicationis, suspensio-
nis, & interdicti, aliisque Ecclesiasticis sententiis,
censuris, & pœnis, à jure, vel ab homine quavis
occasione, vel causa latis, si quibus quomodoli-

bet innodata existunt, ad effectum præsentium
dumtaxat consequendum, harum serie absolventes,
& absolutas fore censentes supplicationibus
eorum nomine Nobis super hoc humiliter porrectis
inclinati. Decretum præsertim auctoritate Apo-
stolica tenore præsentium confirmamus, & appro-
bamus, illique inviolabilis Apostolicæ firmitatis
robur adjicimus. Salva tamen semper in præmissis
auctoritate ejusdem Congregationis Cardinalium.

§. 4. Decernentes eandem præsentem literas sem-
per firmas, validas, & efficaces existere, & fore,
suosque plenarios, & integros effectus sortiri, &
obtinere, ac illis, ad quos spectat, & pro tem-
pore spectabit plenissimè suffragari, & ab illis res-
pectivè observari. Sicque in præmissis per quos-
cumque Judices ordinarios, & delegatos, etiam
Causarum Palatii Apostolici Auditores judicari, &
definiri debere, ac irritum, & inane si secus super
his à quoquam quavis auctoritate scienter, vel
ignoranter contigerit attentari.

§. 5. Non obstantibus Constitutionibus, & or-
dinationibus Apostolicis, necnon quatenus opus
sit, dictorum Ordinum etiam juramento, confir-
matione Apostolica, vel quavis firmitate alia ro-
boratis, statutis, & consuetudinibus, privilegiis
quoque, indulgentiis, & literis Apostolicis in contra-
rium præmissorum quomodolibet concessis, confir-
matis, & innovatis. Quibus omnibus, & sin-
gulis illorum tenores præsentibus pro plenè & suf-
ficienter expressis habentes, illis aliàs in suo robo-
re permanentibus, ad præmissorum effectum hac
vice dumtaxat specialiter, & expressè derogamus,
cæterisque contrariis quibuscumque.

Dat. Romæ apud S. Mariam Majorè sub An-
nulo Piscatoris, die 16. Junii 1664. Pontificatus
Nostri Anno decimo.

Quod Festum S. Dominici celebretur de Præcepto
in toto Regno Neapolitano tanquam de Patro-
no cum Octava.

ALEXANDER PAPA VII.

Ad perpetuam rei memoriam.

Commissi Nobis divinitus Sacrosancti Aposto-
latus officii ratio postulat, ut piis Christi
fidelium votis, quibus Sanctorum in Cælis regnan-
tium honor, & veneratio in terris augentur pa-
terna benignitate annuamus.

§. 1. Cum itaque ea semper fuerit erga Sanctum
Januarium dilectorum filiorum Populi Neapolitani
Religio, ut quavis idem Populus Sanctum Do-
minicum Confessorem in totius Regni Patronum
duxerit assumendum, eum tamen Sancto Janua-
rio digniori Patrono, utpote Martyri Pontifici,
præferendum nunquam assenserit.

§. 2. Pròindeque Congregationi Venerabilium
Fratrum nostrorum S. R. E. Cardinalium Sacris Ri-
tibus Præpositorum iterum, atque iterum suppli-
caverit, ut debitas Sancto Januario Martyri, &
Pontifici Patronatus Regni præeminentias decerne-
ret; Et eadem Congregatio supplicationibus hisce
die 4. Augusti 1663. benignè subscripserit.

§. 3. Nunc verò ne exinde in eodem Regno
devotio erga Sanctum Dominicum decrementum
aliquod patiatur, Populus prædictus festum ejus-
dem S. Dominici Patroni in toto Regno Neapo-
litano pariter de præcepto servari, ejusque Offi-
cium cum Octava, ut hætenus ab universo Cle-
ro inibi recitari summo perè desideret: Nos me-
morati Populi devotionem specialis favore gra-
tiæ prosequi cupientes, ipsiusque Populi singula-
res personas à quibusvis excommunicationis, sus-
pensionis, & interdicti, aliisque Ecclesiasticis sen-
tentiis, censuris, & pœnis à jure, vel ab homine
quavis occasione, vel causa latis, si quibus quo-
modolibet innodata existunt ad effectum præsen-

rium

Decretum
irritans.Contrariis
derogat.Dat. P. A. r.
die 16. Junii.

CLI.

Edita A. D.
1664.

Exordium.

Concordia
prout in rub.

tium dumtaxat consequendum harum ferie absolventes, & absolutas fore censentes.

§. 4. Supplicationibus ejus nomine Nobis super hoc humiliter porrectis inclinati, de prædictorum Cardinalium consilio festum ejusdem S. Dominici Patroni in Universo Regno Neapolitano prædicto ab omnibus Christi fidelibus illic degentibus de præcepto celebrari, ejusque Officium cum Octava, ut hæcenus ab universo Clero ejusdem Regni recitari, auctoritate Apostolica tenore præsentium decernimus, præcipimus, & mandamus, salva tamen semper in præmissis auctoritate prædictæ Congregationis Cardinalium. Non obstantibus Constitutionibus, & ordinationibus Apostolicis, ceterisque contrariis quibuscumque.

Transum-
prout fides.

§. 5. Volumus autem, ut earundem præsentium litterarum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides in judicio, & extra adhibeatur, quæ præsentibus ipsis adhiberetur si forent exhibitæ, vel ostensæ.

Dat. P. An. 10.
die 28. Jun.

Datum Romæ apud S. Mariam Majorem sub Annulo Piscatoris, die 28. Junii 1664. Pontificatus Nostri Anno decimo.

CLII.

Decernit, & statuit, quod deinceps in Indiarum partibus Priores Parochorum Ordinis Prædicatorum, non ab ipsismet Parochis, sed à singularum Provincialium Provincialibus per Vota secreta duodecim ad minus canonicè eligantur.

Vide ad Constit. 189. Urb. VIII. Injunctum nobis, & hic supra ad Constit. 143. Sacrosancti.

Edita An. D.
1664.

ALEXANDER PAPA VII.

Ad futuram rei memoriam.

Exordium.

Militantis Ecclesiæ regimini per ineffabilem Divinæ Bonitatis abundantiam, nullo licet meritum Nostrorum suffragio, prædentes, in eam præcipuè sollicitudinem propensis studiis incumbimus, ut fidelibus Populis cura Pastoralis non desit, sed ejusmodi cura per operarios idoneos salubri, assiduaque sedulitate exercentur, quo horrea Domini uberiori messe aspirante Superni favoris auxilio, magis, magisque in dies locupletentur.

Motiva.

§. 1. Exponi siquidem Nobis nuper fecit dilectus filius Magister Generalis Ordinis Prædicatorum, quod in vastis Indiarum partibus variæ sparsim illarum gentium ad Fidem Catholicam converterarum Parochiæ, quas quidem illic visitatori vocabulo Doctrinas, & Vicarias appellant à Religiosis d. Ordinis ex Indulto Sedis Apostolicæ administrantur. His autem Religiosis, Parochis, seu Vicariis de more per singulos districtus (præfectura ad summum bienni, vel trienni) respectivè præest unus ex ipsorum numero Prior vocem in Capitulo Provinciali habens, quem statutis temporibus ipsi canonicè eligunt, & ad ejusmodi capitularem electionem celebrandam procul à suis residentis in certum aliquem locum solent evocari.

§. 2. Porrò cum juxta Constitutiones Ordinis prædicti Electoribus Priorum integer mensis debeat à notitia vacantis officii, ut intra hunc terminum congregentur, deliberent, & eligant, nimis frequenter contingit hosce Parochos, seu Vicarios eo titulo, & longissime, & diù abesse à suis Doctrinis, seu Ecclesiis, dum plerique foris transigunt totum hunc mensem electionis, imò & menses si fortè contingat primam electionem à Priore Provinciali ob justas causas non confirmari quo casu alius denuo, aliisque mensis iidem Vocalibus debetur.

§. 3. Cum autem sicut eadem expositio subjungebat, hæc longa, & crebra Parochorum absentia, præcipuè in illis Regionibus fideli plebi, & præsertim moribundis debito intereâ Sacramentorum Ecclesiæ ministerio destitutis plurimum noceat. Nobis propterea memoratus Magister Generalis humiliter supplicari fecit, ut de opportuno in præmissis remedio providere, & ut infra indulgere de benignitate Apostolica dignemur. Nos igitur piis ejusdem Magistri Generalis votis hac in re quantum cum Domino possumus favorabiliter annuere cupientes, eumque à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis à jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequen. harum ferie absolventes, & absolutum fore censentes, hujusmodi supplicationibus inclinati.

Confirmat
prout in rub.

§. 4. Quod deinceps in prædictis Indiarum partibus tales Fratrum d. Ordinis Parochorum Priores, seu Vicarii, non ab ipsismet Parochis, sed à singularum Provincialium Provincialibus in graviore earundem Conventu per vota secreta decisa duodecim ad minus antiquorum Fratrum, si extrâ Capitulum Provinciale fuerit, ritè, & canonicè eligantur. Quodque Priores Parochorum ad id muneris assumi nequeant, nisi re vera sat calleant proprium idioma, cui tanquam Priores, seu Vicarii præficiantur, & quod iidem suo populo continuè assistant, itaut neque Capitulum Provinciale adire, neque aliàs unquam à sua Parochiali residentia ultra spatium trium leucarum elongare se possint, nisi relicto ibidem idoneo substituto illius idiomatis benè gnaro, auctoritate Apostolica tenore præsentium decernimus, statuimus, & ordinamus.

Decretum
irritans.

§. 5. Decernentes pariter easdem præsentibus litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & etiam pro tempore spectabit inviolabiliter observari. Sicque in præmissis per quoscumque Judices ordinarios, & Delegatos, etiam Causarum Palatii Apostolici Auditores judicari, & definiti debere, ac irritum, & inane, si secus super his à quoquam quavis auctoritate scienter, vel ignoranter contigerit attentari.

Contrariis
derogat.

§. 6. Non obstant. præmissis, ac Constitutionibus, & Ordinationibus Apostolicis, necnon dicti Ordinis, & aliis quibusvis etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis, Quibus omnibus, & singulis illorum tenores præsentibus pro plenè, & sufficienter expressis, & insertis haberi, illis aliàs in suo robore permanens ad præmissorum effectum hac vice dumtaxat specialiter, & expressè derogamus, ceterisque contrariis quibuscumque. Volumus autem, ut earundem præsentium litterarum transumptis, seu exemplis etiam impressis manu alicujus Notarii publici subscriptis, & personæ in Ecclesiastica dignitate constitutæ munitis eadem fides in judicio, & extra adhibeatur, quæ præsentibus ipsis adhiberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris, die 8. Novemb. 1664. Pontificatus Nostri Anno decimo.

Dat. P. A. 10.
die 8. Nov.